



Broj: 13-11-4-11512/24
Sarajevo, 23.01.2025. godine

Na osnovu člana 70. stav (3) Zakona o javnim nabavkama ("Službeni glasnik BiH", br. 39/14, 59/22, 50/24), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javne nabavke roba, radova i usluga, Općinska načelnica donosi

ODLUKU o izboru najpovoljnijeg ponuđača

I

Za najpovoljnijeg ponuđača za javnu nabavku radova „Sanacija devastiranog stambenog fonda kojim raspolaže Općina“, po provedenom postupku javne nabavke putem otvorenog postupka javne nabavke izabran je slijedeći ponuđač:

GALBOLS d.o.o. Sarajevo
sa ukupnom cijenom od 45.990,40
(četrdesetpethiljadadevetstotinašezdeset i 40/100 konvertibilnih maraka) KM sa PDV-om

II

Za izvršenje ove Odluke zadužuje se Služba za komunalne i stambene poslove i saobraćaj.

III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

Ukoliko je ponuđač u sklopu svoje ponude dostavio originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, iste nije dužan ponovno dostavljati.

IV

Odluka o izboru najpovoljnijeg ponuđača objavit će se na web stranici www.novosarajevo.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

Obrazloženje

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinske načelnice broj: 13-11-4-11512/24 od 11.12.2024. godine.

Procijenjena vrijednost javne nabavke sa PDV-om je: 46.000,00 KM (slovima: četrdesetšesthiljada i 00/100 konvertibilnih maraka).

Obavještenje o javnoj nabavci broj: 935-1-3-229-3-346/24 objavljeno je na Portalu javnih nabavki dana 24.12.2024. godine.

Komisija za javnu nabavku roba, radova i usluga je imenovana Rješenjem Općinskog načelnika broj: 01-30-5-9053/24 od 18.10.2024. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda vidljivo je da su do dana 14.01.2025. godine, pristigle ponude slijedećih ponuđača:

Red. Br.	Naziv i sjedište ponuđača	Ukupna ponuđena cijena sa PDV-om
1.	KS INVEST d.o.o. Sarajevo	45.895,75 KM
2.	GALBOLS d.o.o. Sarajevo	45.990,40 KM

Nakon izvršenog otvaranja ponuda, Komisija za javne nabavke roba, radova i usluga je pristupila analizi dokumentacije pristiglih ponuda u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom, Zakonom i podzakonskim aktima, te je konstatovala slijedeće:

Ponuda ponuđača GALBOLS d.o.o. Sarajevo je **prihvatljiva** jer ispunjava kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Ponudu ponuđača KS INVEST d.o.o. Sarajevo Komisija je ocijenila kao **neprihvatljivu** iz sljedećeg razloga:

Tenderskom dokumentacijom u pogledu tehničke i profesionalne sposobnosti traženo je uspješno iskustvo u realizaciji najmanje 2 (dva) ugovora, čija je složenost ista ili slična predmetu nabavke – koji se odnose na izvođenje građevinsko-zanatskih radova na sanaciji stambenih jedinica, u posljednjih 5 (pet) godina, računajući od dana objave Obavještenja o predmetnoj javnoj nabavci ili od datuma registracije odnosno početka poslovanja, ako je ponuđač registrovan, odnosno počeo sa radom prije manje od 5 (pet) godina.

U cilju dokazivanja traženoga ponuđači su bili dužni dostaviti original ili ovjerena kopija 2 (dvije) potvrde o uspješnoj realizaciji ugovora, čija je složenost ista ili slična predmetu nabavke – koji se odnose na izvođenje građevinsko-zanatskih radova na sanaciji stambenih jedinica.

Ponuđač KS INVEST d.o.o. Sarajevo je dostavio ovjerenu kopiju ugovora o izvođenju građevinsko-zanatskih radova i elektroinstalacijskih radova u ekspozituri Konjic, zaključenog dana 08.01.2024. godine sa UNION BANK d.d. Sarajevo.

Uz isti je dostavljena izjava – potvrda poslovne reference, koja se ne može smatrati potvrdom o uspješnoj realizaciji ugovora, jer ne sadrži podatke propisane članom 48. stav (3) Zakona o javnim nabavkama BiH.

U napomeni tačke 7.4.1. b) tenderske dokumentacije, a u skladu sa članom 48. stav (3) Zakona o javnim nabavkama BiH, navodi se: „Potvrda o izvršenom ugovoru obavezno treba da sadrži: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora, te navode o uredno izvršenim ugovorima.“

Ponuđač KS INVEST d.o.o. Sarajevo je dostavio ovjerenu kopiju ugovora o izvođenju građevinskih radova, zaključenog dana 10.03.2023. godine sa „SOS-Kinderdoft International“ sa sjedištem u Sarajevu.

Uz isti je dostavljena Potvrda izdate od strane „SOS-Kinderdoft International“, koja se ne može smatrati potvrdom o uspješnoj realizaciji ugovora, jer ne sadrži podatke propisane članom 48. stav (3) Zakona o javnim nabavkama BiH.

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



U napomeni tačke 7.4.1. b) tenderske dokumentacije, a u skladu sa članom 48. stav (3) Zakona o javnim nabavkama BiH, navodi se: „Potvrda o izvršenom ugovoru obavezno treba da sadrži: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora, te navode o uredno izvršenim ugovorima.“

Ponuđač je bio dužan dostaviti original ili ovjerene kopije potvrda izdatih od druge ugovorne strane, a koje sadrže iznad navedene podatke.

Iz naprijed navedenih razloga, ponuda ponuđača KS INVEST d.o.o. Sarajevo se nije mogla uzeti u dalje razmatranje.

Komisija je nakon pregleda dokumentacije priložene uz dostavljene ponude u smislu člana 65. stav (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, te sačinila rang listu kako slijedi:

Red. broj	Naziv i sjedište ponuđača	Ukupna ponuđena cijena sa PDV-om
1.	GALBOLS d.o.o. Sarajevo	45.990,40 KM

Komisija za javne nabavke roba, radova i usluga je jednoglasno predložila Općinskoj načelnici da donese Odluku o izboru najpovoljnijeg ponuđača, te da se ponuđaču GALBOLS d.o.o. Sarajevo dodijeli Ugovor, čija ponuda je ocijenjena kao najpovoljnija, na osnovu kriterija najniža cijena, u ukupnom iznosu ponude od 45.990,40 (četrdesetpetiljadadevetstotinašezdeset i 40/100 konvertibilnih maraka) KM sa PDV-om.


Općinska načelnica je saglasna sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka. Naknada za pokretanje žalbenog postupka plaća se u korist budžeta institucija Bosne i Hercegovine i međunarodnih obaveza Bosne i Hercegovine, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH („Službeni glasnik BiH“ broj: 61/24).



DOSTAVLJENO:

- KS INVEST d.o.o. Sarajevo
- GALBOLS d.o.o. Sarajevo

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.

